

ژي ٻيڙين بلا ب هه دهر نه دين
شه ڪولينه ڪ ل سهر قهيره يي
(نه گهر _ زيان _ چاره سهر)

نقيسين: فه رمان عه زيز خه رابه يي

ب باديني ڪرن: له يلا حاجي

نافی پھرتوکی: ژیی زیرین بلا ب ههدهر نه‌دین
نقیسین: فه‌رمان عه‌زیز خه‌رابه‌یی
ب بادینی کرن: له‌یلا حاجی
پیداچوونا زمانی: عابد جه‌میل
به‌رگ: مسلم ره‌مه‌زان
دیزایننا نافه‌رۆکی: وارهییل عه‌بدولباقی
ژمارا سپاردنی: D-/18/2011
دانه: 500
چاپخانا: کوردستان - زاخۆ 2018

پیشهکییا وەرگیرئ

بناقی خودایی مهزن و دلوقان سلاقین خودی
ل سهر پیغه مبهری خوشتقی (محهمهد) ی بن....
یادیاره خیزان بنس ترا هموو جفاکانه، ئافا کرنا خیزانی
ژ هه فزینی دهستی دکت و ریکه کا نمونه یه بو
پهیدا بوونا ژیا نه کا تهنا و بهخته وهر، ههر هه فزینی یه
پیدا فیین دهروونی و جهسته یین تاکین جفاکی دابین
دکت، ههر وهکی خودایی مهزن دبیزیت: (ومتآیاته أن
خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ
مَوَدَّةً وَرَحْمَةً إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ)

ژ نیشانیت مهزناتی و دهسته لاتاری یا وی،
ئهوه وی ههر ژ ههوه ﴿ ژ گیانی ههوه ﴾ بو ههوه
هه فسهر چیکرن، دا سهبر و هه دارا ههوه پی بیت، و ل
ده فقهه سن و قیان و دلوقانی ئیخسته د ناقبهرا
هه وهدا، ب راستی ئه فقه ﴿ دان و چیکرنا هه فسهران

ھۆسا ﴿ نیشانیت ئاشکەرانہ ﴾ ل سەر مەزناتی و
 دەستەھلاتدارییا خودی ﴿ بۆ وان ئەویت ھزرا خو ﴾
 تیدا ﴿ دکن. بەلی مخابن ئەفرۆ ئاستەنگ و ریگر
 ل بەرامبەر فی سوننەتی دروست بووینە، لەوما لدویف
 فەکولینین ھاتین کرن دیاردا قەیرەیی دکۆمەلگەھی
 مەدا پەیدا بوویە، وەکو کابوسەکی راستی ب ھزاران
 گەنجان ژ کۆر و کچان بوویە ب تاییبەت گەلەك کچ ژ
 ژيانا ھەفریننی و ھەستین پری سوزین دەیکینیی بی
 بەھر بووینە ب قەیرە ماینە د مال دا. گەلەك ریگر
 بووینە ئەگەر بۆفی دیاردەیا مەترسیدار ژوان رەوشا
 نوکە یا دارایی، ریگریکرنا ل دوو ژنیی، ریخراوین
 بنافی داکوکیکرن ل مافی ئافرەتان... ھتد.

پشتی من ئەف فەکولینە خواندی، گەلەك پی
 داخباربووم، لەوما من فیا وەرگیرم سەر زارافی بادینی
 داکو پتر مفا ژئ بەیتە دیتن و پتر ھشیاری لدەف مە
 پەیداببیت، ب تاییبەتی کچان، چونکی براستی دەمی

ئەف قەكولینە دەیتە خواندن، ژ قەگیڕانا زاردەقی وان
كچین بووینە قەیره دەمی بهحسی خوه کرین دیار
دبیت ئیك ژ ئەگەرین سەرەکیین قەیرهیا كچان ژبەر
هەر ئەگەرەکی بیت هەر كچ بخونه، هیقداكم هەر
كەسەکی قی قەكولینی بخوینیت ببیت هاریكار ژبو وان
گەنجان ژ كۆر و كچان یین دقین ب ریکین دروست ژيانا
هەقزینی پیک بین و بەختەوهر بژین و ژیی وان یی
زیرین ب هەدەر نەچیت و دیاردا قەیرهیی کیم ببیت،
و جفاکی مه دوویر بیت ژ هەموو ئاستەنگ و
دەردەسەریین ژيانی...

لهیلا حاجی

2018

پیشہ کی نئی نئی

خواندہ فانی بہریز نے نامیلا لبر دستین
تہ فہ کولینہ کا بچوویک ل سہر قہیرہیی وئہ گہر و
زیان و چارہ سہریا وی، ئہ گہر ئہم بہریخوہ دانہ کی
بکین دی بینین عیراق بوویہ ئیکہم د ہژمارا قہیرہیی
کچان دا.. د نویتین ئامارا سالا 2010 دیار بوویہ کو
زورترین ہژمارا قہیرہیی کچان ل عیراقی ہاتیہ
تۆمار کرن.

د فہ کولینہ کی دا بس پۆرہ کی ئوردنی
ئہ نجامدایہ دیار بوویہ ریژہیا ہہرہ زور یا قہیرہیی ل
عیراقی بوویہ (85%) کچین عیراقی ژئی (35)

ساليى بۇرىنە و ھىشتا شووى نەكرينە و ب قەيرە

ماينە.رۆژنامەيا ھەولير (2010- 5- 11)

<http://www.hawler.in/more.php?id=6414>

ئەف قەكولينە بەلافكرية ئەفجا خويشكا بەريز:

ھشياربى ژيى خويى زيرين ب ھەدەر نەبە، ھشيارى

وان ئەگەران بە يين كو تە بەرەف قەيرەيى قە دبن،

ئەفجا ژيى خويى جوان ب قەيرەيى نەبۇرينە...

برا و بابى بەريز: تۆزى نەبە ئەگەرەك بۆ ب

ھەدەردانا ژيى زيرين يى خويشكا خويان كچا خوي،ئەو

ئەگەرین دبنە ئەگەر بۆ قەيرەيى ل پيشيا وى زيندى

بکہ و نەبە رپگر دشوويكرنا ويدا.

بِسْمِ اللّٰهِ الرَّحْمٰنِ الرَّحِیْمِ

خوشگله (لیلی حاجی) داوا یه زامه ندی کرد
بو وه رگیزانی کیتی (تعمه ی زئیرین) بو سه ر
سیتوه زاری پادینی.

من (فرمان خه رابه ی) یه زامه ندی ده ده م
بو وه رگیزانی تم کیتی..

ده سفوتیش له و خوشگله ده که م که ه لساوه
یه وه رگیزانی نه و کیتی.. فودانمونیات
زور بکات.

فرمان خه رابه ی

٢٠١٦ / ١١ / ٤

قهیره کییه؟

د زمانى عه ره بیدا دبیژنه کەسى (قهیره) (العنوسة) ئانکو: قهیره ئەو گەنجەنە یین هەتا ژیهەکی درەنگ ژ ژیی خو هەقژینی پیک نهئینایین، بەلئ نوکە دەمى به حسى قهیره یی دهیتە کرن ئیکسەر هزرا مروفی دچیتە سەر کچان نەك کۆران، چونکی زیدهتر پهیفا قهیره پتر بو کچا ب کاردهیت، ئەقەژی بو هندی قەدگەریت کو د پتریا جفاکان دا ب جفاکی کوردی قە ژى ژیی کوری چەند مەزن بیت دشیت کچەکی یان ئافرهتەکا (10) سالان یان زیدهتر ژى ژ خو بچیک تر بخوازیت، بەلئ کیم دهیتە دیتن کۆرەك کچەکا ژ خو مەزنتر بخوازیت، هەر ژبەر قى چەندی ئەگەر کچ ژ ژیی خو یی عەدەتی ببۆرییت دبیژنی قهیره.

زيانين قهيره يي

دكتور (فوزية البديع) دبیژیت: هر كچه كا

ژیی خو بۆراندبیت و شووی نه کربیت، ههمی ده مان

ئهو د رهوشه كا دهروونی یا نه خوش دا دژیت، بهلی د

هندهك دهمانداپتر دئیشته و خه مگین دبت ژوانا:

ههردهمهکی هه فاله كا وی شووی بکت، ئه و دهیته

نازاردان و وسا ههست دکت ههمی هه قالین وی شووی

کرن، بتنی ئه و مایه.

-ههر دهمهکی ئیک ژ مالباتا وی زارۆکهك هه بیت، ئه و

نازارا دکیشیت، چونکی ههستی دهیکینی لدهف دلقت

هوسا ههست دکت ژ سۆزا زارۆکان بی بههره.

-ههر دهمهکی بیئقیژیا هه یقانه ببینت وهکی ئینزاره كا

سۆر دبیژتی: هیکین ته ب ههدهر چوون بیی ته زارۆک

ژی ههبن.

هەر دەمی سالەك ژ ژیی وئ بچیت، هەر وەكی
زللههەك ببن گوھی وئ بکەفیت و بیژتی: تو سالەکا
دیتر ژی مەزن بووی و تە شووی نەکر.

دەمی راگەهانندن ب هەمی بەشپن خوڤه و ب نیازەکا
باش بەحسی قەیرەیی دکت، ئەو هەست ب نازارا دکت
و دەروونی وئ تیک دچیت، دەمی رۆژنامەیهکی
دبینیت بەحسی قەیرەیی دکت خەمگین دبیت،
هەروسا دەمی گوھ ل رادیوی یان تەلەفزیونی دبت
هەمان هەست و نازار ل دەق پە یدادبن، هەست دکت
هەمی یی بەحس ل نازار و دەردی وئ دکن.

شیخ (منصور المنهاني) سەرۆکی پشکا (الوعزو
الارشاد) ل ئیمارات دبیزیت: ئەگەر باوەری یا ئافرەتا
قەیرە ب خودی یا لاوازبیت تووشی کاری خراب دبیت
دکتور (محمد الرواشدة) ماموستای چارەسەریا
سروشتی دبیزیت: شوویکرنا درەنگ چەند زیانەك د
زارۆك بوون و تەندروستیا زارۆکی دا هەنە، هەندەك ژ

فهكولينان دياركرينه زكى پشتى (40) ساليى گهلهك
جاران زارووكى نه دروست ژى دروست دبیت، و زكى
پشتى (35) ساليى ژى ژ (260) زاروكان ئيكي
مه نغولى ژى پهيدا دبیت.

دكتور (رامز طه) شيره تكارى ته ندروستيا دهر وونى يه
دبيژيت: نه و كچين چهندين داخوازي بو دهين و
ره تكدن ب وى كارى خو وه دكت خه لك به حسا وى بكت
ژ بهر هندي ئيدى كه سى نه فيت بخوازيت.

پرسيار ژ (دكتور / فلاح الختیب. استيشاري و رئيس
قسم علاج الأورام) هاته كرن، چ نه گهرين سهره كى
هه نه كو نافرته پى تووشى سهره تانا سينگى دبن؟
چهنه خالهك هژمارتن، ئيك ژوان نه و بى كو گهلهك ژ
وان نافرته تين پشتى ژيى (30) ساليى زارووكى ئيكي
دبن تووشى فى نه خووشى دبن.

به لى ههر ژ زيانين قهيره ييى نه فه يه، گهلهك جاران كچا
قهيره به ره ف بى رهوشتيى فه دبیت، به لى نه فه هه مى

قەيرەيان ب خۇفە ناگریت، چونكى كەسەكى باوهرى ب
ئىكاتيا خۇدى ھەبیت و باوهرىا وى موكم بیت،
بىگۆمان ئەو دى ھەدارى كىشیت ژبەر كەتنا شاشییهكى
خۇ تووشى تۆرەبوونا خۇدى ناکت.

ئەگەر

ئەو خالین ئەم بەحس ژېبکین پیکدھین ژ
(15) خالین دیار و ئاشکرا کو ئەگەرین سەرەکینە بو
قەیرەیی، هەر چەندە هیژ خالین هەین، بەلی ئەگەر
کەسەکی بقیت ئەگەرین قەیرەیی بزانیت ئەفە تیرا
هەنە، دگەل فان خالان کۆمەکا راستییان هەنە ئەو بخۆ
بەحسی روویدانین خۆ دکن و ژ زاردەفی خۆ فان گوتنا
دەردبەرن، و دی بن پیکەک بو ئەوان کەسین فی
فەکولینی دخوینن بو هندی مفاى ژى ببینن و ب
جەبیینن و جفاکی خۆ هشیار و ئاگەھدار بکن داکو
ئیدی قەیرەیی کیم ببیت و ژیی زپیرین ب هەرورە و
هەدەر نەچیت.

ژ ئه گهرين قهيره يي

ئيك: گهريان لديف دهوله مهندي:

ئيك ژ وان ئه گهرين ئافرهت پي توشي
قهيره يي دبیت ليگهريانه لکسهک دهوله مهند، گهلهک
ئافرهت هه نه گهلهک داخوazi و خوازگيني بو دهين
بهلي چونکي نه دهوله مهندين رهدتکت،يان زي خيزانا
وي نادن چونکي ئه وکسه سي داخوaza خزمائيني زي کري
نه دهوله مهنده، بقی ئاواي چهندين داخوazi دهينه
رهدکرن، ب بورينا ده مي دي هند بينيت زي گهنجاتي
بووري و بوو کچهکا قهيره،هوسال وي ده مي دي
په شيمان بيت و خوزيان راهي ليت بو شوويکرنی و
ئه وان داخوazi پين رهدکرين، و دي چافي وي لهندي
بيت کهسهک بهيت بخوازيت، بهلي چونکي زي وي
مهزن بوويه وهکي بهري هينگي کورين جوان و گهنج

ناخوازن، به لکو که سین ب عمر دی داخووا وی کن،
ئهوژی دی بیژیت من شووی ب کورین گهنج نه کری یه
چهوا دی شووی ب فان بهرمایکان کم، دی هر خوزیین
بهری خوازیت بهلی پشتی چی، پشتی ژیی گهنجاتی
بووری.

دكتور (رامز طه - استیشاری الطب النفسي)

یه دبیزیت: ئهز شیرهتی ل هه موو وان ئافره تان دکهم
بلا هه فسه ری ژیا نا خو نه لسه ر بنه مایی دهوله مه ندیی
هه لبریزن، بلا عه قلی خو ب کاربینن و بزنان دی کی
هه لبریزن.

ب راستی ماموستا هیوای ژی جوان گوتیه ده می
دبیزیت: به جاری بهرچاوی گرتووی کوشک و ته لار و
قه مه ره بیر و هوشی تو بهر دهوام هه ر له سه ر زیپر و
که وه ره هه ر له ملوانکه و بازنرا تا گول و گواره و
گوبه ره ده ته وی هه ر ئاغا ژن بی ، هه زت له غولام و
نوکه ره

پیت عیب و شوورہیہ شووبکہی بہوہی لات و
قلہندہ بہلگو ہاوسہری ژیانی تو سہرمایہدار و
بہلگہرہ بہلام خوشکی خوشہویست کہی ئہوہ جیگای
ہونہرہ ہہستہ بگہرپوہ لای خودا ہہردوو دونیات
مسوگہرہ

★ ژ زاردہفی وان بخو:

ئہفہ سہرہاتییا کچہکا ب شہرہف و دہمہن
پاقڑہ، بابی وی ژی ب ہہمان شیوہ زہلامہکی گہلہک
باش بوویہ، گہنجہکی خودان دین و ب رہوشت دہستی
فی کچی دخوازیت، پشتی دانوستاندن دناقبہرا ہہردوو
خیزاناندا دہینہ کرن ہہردوو ئالی ریگ دکہفن پاشتر
ئہو کچ دہیتہ مارہکرن، بہلی یا جہی داخی دہیکا کچی
بوو، دہیکا وی کچی وہکی گہلہک دہیکان ل جہی ہندی
بہختہوہری بو کچا خو بقیت وفیری تشتین باش بکت،
بہروفازی مالی لی تیگ ددت و دلتنگ دکت، ئہف دہیکہ

مايتيكرنى د هەمى تشتەكى فى كورى دكت ئەوۋى
لسەر خاترا خواستيا خۇ كوي ماركرى بېھنا خۇفره
دكت و هەدارى دكيشيت، و لسەر داخووا دەيكا كچكى
خۇ قەرزار دكت و ماليه تەكا زۆر دكريت، جارەكا دى
دەيكا ئەوۋى كچكى مايتيكرنى دكت و دبيژيت: دقيت
ئاهەنگ ل فلان نادىي بيت و فلان ستران بيژى بينى،
دقى خالى دا ئەو كور و دەيكا كچكى ريك ناكەفن، كورك
دبيژيت: ئەز ب چ شيوهكى ئەوى ستران بيژى نائينم،
چونكى دزانم دى گونه باربەم، يا ديتى ژى من نە دگەل
تە مارەبرين كرى يە هەتاكو تۆ پيش كچا خۇفە فان
داخووايان دكى.

كورك ب وان بريار و داخووايا رازى نابيت،
دبەرامبەردا دەيكا كچكى لسەر داخووايىن خۇ پژد
دبيت و ليّفه نابيت، بابى كچكى ژى بتنى ديكور بى و
ئاخفتنىن وى ب چ نەدچوون، ئەو كچ ژى حيبەتى
مابوو ژ داخووايىن دەيكا خۇ، كۆركى گەلەك بزاف دگەل

دهيكا وى كرن و چهندين كهسيڻ خيرخواز هنارتن دهف، داکو رازى بکن، بهلى ههولین وى سهرنهگرتن و بى مفا بوون، بقی چهندي كوركى چ ريك نه مان ژبلى جودابوونى ژ وى كچى، پاشى وى كورى كچهكا دى خواست، خودايى مهزن كه ره ما دانا زاروكان ژى دگهل كر و ژيانهكا خوش و بهختهوهر دگهل بوړاندن. ئەو كچ ژى ما دمالا بابى خودا ههتا ژيى وى بوويه (34) سال، كهسى ژى نه دخواست يا ئيكي ژبهركو مهزن بوو و يادووى ژى ژبهركو ته لاق داى بوو.

دوو: دريژره پيدان و ته مامكرنا خواندنې:

ئيك ژ وان نه گهرين نافرته پي دبېته قهيره
نه وه دهمي كورهك كچه كي دخوازيت كچ ب به هانه يا
هندي يا د خوينيت داخوازييا كوركي ره تدكت، داکو ژ
خواندنې نه هيت دويركرن و فه قه تيان، به لي نه فه
شاشيه كا مه زنه چونكي شوويكرن ريكي ل خواندنې
ناگريت.. به لكو گه له ك جارن زه لام دبېته پشته فان بو
وي خواندنا خو ته مام بكت، نه فجا خويشكا به ريز
دهمي كه سهك دهستي ته دخوازيت و د دهمه كي دا
ريگريي د ته مامكرنا خواندنا ته دا نه كت دي بوچي
داخوازييا وي ره تكي ! !

سايته (خويشكان) ب راپرسيه كي رابوو بشي ناوايي ل
خواري:

ئيك ژ نه گهرين قهيره ييا كچان شووي نه كرنه هه تا
خواندنا خو ته مام دكن بوچووناته چيه؟

★ (88) % 44.00 شووی بکن و دەرگههی خواندنی
قهگری بیت.

★ (81) % 40.50 خواندنی تهمام بکن و پاشی شووی
بکن.

★ (31) % 15.50 شوپکرن بهری تهمامکرنا خواندنی.
ئهگهر توؤ چهزبکی فی راپرسیی ل ئهنته رنیئی ببینی
سهحکه فی لینکی:

<http://www.khoshkan.com/rapsy/rapsy04.hp>

★ ژ زاردهفی وان بخوؤ :

ئهز ئافرهتهکم ژیی من (27) سالن ژ

زاروکینی و ههتا نوکه د مالا بابی خوؤا دژیم..

ئهو ئافرهتین دژیی من دا پتریا وان شووی کرینه و ب

بهختهوهری د مالا زهلامین خوؤا دژین، ب راستی

دهردی دلی من زور گرانه، ئهز چهند بنقیسم نهشیم

بهحس ل دلتهنگیا خوؤ بکم..

بهريزان ئەز ئيک بووم ژ وان قوتابييڻ زيرەک د هەمی
قوناغين خواندنئ دا و ل هەمی وانهيان نەمريڻ من
زۆر باش بوون.. دەمی گەهشتيمه قوناغا دووی نافتجی،
من گەلەك هەژ بابەتئ (علم النفس) دەروونناسی
دکر، ب وی جوری من خەون ب هندی فه دديتن
پۆژەکی ژ پۆژان بيم نوژدارەکا دەروونی..

د دەمەکی دا کۆری مامئ من هاتە
خوازگينييڻ من، بەلئ من داخوازييا وی رەتدکر، چونکی
من دفيا بيم نوژدارەکا دەروونی..

دەمی گەهشتيم قوناغا زانکۆيئ گوتن من تۆ
نابييه نوژدارا دەروونی، بەلکو دی بييه شارەزا د
دەروونناسيئ دا، ئەف هەردوو بيافه زی ژيک جوودانه،
من پرسيارکر بوچی؟

گوتن من، نوژدارئ دەروونی ژ دەرفەهی وهلاتی
دخوينن، من ژى ئەو دەرفەت نەبوو ، ئەز نەچاربووم
ل زانکۆيئ بەردەوام بيم، د وی دەمی دا من تەماشەهی

زنجیره‌کا ته‌له‌فزیونی دکر، د وی زنجیری دا پزیشکه‌کا
دهروونی هه‌بوو خه‌لک چاره‌سه‌ر دکر و هاریکاریا وان
دکر و ئیش و ئازارین وان کی‌م دکر و گرنژین
دئیخسته‌سه‌ر لی‌قین وان.. به‌رده‌وام هزرا من ژی
ئه‌بوو ئه‌ز وه‌کو وی نوژداری ب‌م و هاریکاریا
ده‌وروبه‌رین خو ب‌کم و کیشه‌یین وان یین ده‌روونی
چاره‌سه‌رب‌کم، د ده‌مه‌کی دا من بخو دناخ و ده‌روونی
خو‌دا کیشه‌هه‌بوون.

من هه‌ر دخه‌یالا خو‌دا وسا هزردکر کورمامی
من دی مینت ل هی‌قیا من ، به‌لی ئه‌وی بو خو کچه‌کا
دی خواست و گوته من تو مه‌غروری ب زانستی خو، ب
راستی ژی وسان بوو، پشتی من زانکو ته‌مام کری چ
داخوازی بو من نه‌هاتن، و ئه‌ز ل ده‌زگه‌هه‌کی هاتم
دامه‌زاندن ب مان‌دی‌بوون فه سپیده‌هیا دچووم ده‌وامی
و نی‌فرویا دزفریم مال..

بهلى: خهونا من ب جه نههات.. ژيى من ژى زووى
دبوورى.. ئەز مام د مالا بابى خوډا و مام چاقهري
خوډى دەرگههكى خيىرى بو من فهكت.. كورى مامى
من پيىنج زاروك ههنه و مالا وان ژى جيرانين مهنه.. و
يا ژ ههميى نهخوستر ئەوه ههر دەمى ئەز وى لگهل
زاروك و خيزانا وى دبينم گهلهك نازارا دكيشم..

★ ژ زاردهفى وان بخو :

برايهكى دگوت: من كچهك خواست، قوتابيا
زانكويى بوو ل قوناغا دووى، بهلى وى كچى داخوازا من
پهتكر، ههرچهنده من سۆزدايى كو ئەز نابم رپگر د
تەمامكرنا خواندنا ويدا، بهلكو دى هاريكاريا وى ژى
كم، بهلى وى ب بههانهيا هندی ئەگەر شووى بكت
نەشيىت خواندنا خو تەمام بكت داخوازا من پهتكر،

پاشی من کچه کا دیتر خواست و ژیانہ کا بہختہ وەر پیک
ئینا و خودی زارۆکهک ژى دا مه..
بهلی وی کچی خواندنا خو تهمامکر و ل مالا دهیکا خو
چاقه ری شوویکرنی یه، بهلی کهسهکی وهکی من ب
دهست وی ناکهفت، چونکی د هه موو بیاقهکی دا ئەز د
سهرویدا بووم، بهلی پا ئەوی ئەز رەتکرەم.. ههتا نوکه
ژی هیشتا مایه نه شوویکری.

★ ژ زاردهفی وان بخۆ :

ئەف کچا قهیره ژى ب ئاخ و نالقه بهحسی خو
دکت و دبیتیت: دەمی ئەز (15) سالی گهلهک
داخوایین باش بو من دهاتن، بهلی من رەتدکرن ب
بههانا هندی من دقتیت ئەز ببه نوژدار..

بهلی ئەو بوو ئەز ل کولیژا پزیشکی هاتم
وهرگرتن ههتا وی دەمی ژى هه ر بهردهوام خوازگینی د
هاتنه من بهلی من رەتدکرن هه ر ب ههجهت و بههانهیا

هندى من دقيت خواندنا خو تهمام بكم و سهدريى
 سپى بكم بهرخو و پاشى شووى بكم، ئەفجا دەمى من
 خواندنا خو تهمامكري ژيى من بوو (30) سال، ل وى
 دەمى ئەويىن ئەز دخواستم نه ل ئاستى من بوون و
 گەلەك ژ وان خودان ژن بوون من ژى پەتدكرن و
 دگوت: چاوا پشتى ئەفى هەموو مانديبوونى شووى ب
 كەسەكى بكم خودان ژن بيت !! ب چ پەنگان ئەز پازى
 نابم، چاوا سەر هەوى شووى بكم، ئەز خودان باوەرنامە
 و مال ملكيهت و پەلە و پايە !!
 بەلى پشتى ژيى وى كچى بوويه (40) سال ل وى دەمى
 دگوت: ئەز دى شووى كم ئەگەر ب نيىف زەلامى ژى
 بيت.

★ ژ زاردهفی وان بخو:

ژیئی فی دکتورایی ژى بوویه (30) سال ژ ناخی دلی خو
گهلهك ئاخینكا رادهیلیت و گازیدکت و دبئیژیت: خذوا
شهادتی و أعطونی زوجا و أسمعونی کلمة.. ما.. ما..

ئانکو: هه موو باوهرنامین من بو خو ببن،
بتنی بلا ئەز ببم خودان هه قژین و من زارۆك هه بن و
گوھ ل په یفا دادی.. دادی.. ببم ئەفه ئاخفتنین کچهکی
نه ل رۆژنامهگی نقیسینه و دبئیژیت: هه موو
سپیده هیان ئاخ و ئوفین مرنی هه لدکیشم، روندک ب
رۆیی من دا دهینه خوار هین دزانن بوچی؟! چونکی
دهمی ئەز دچم کلینیکا خو یا نوژداری کو دراستی دا
گورستان و زیندانا منه، ئەز دببیم ئافرته ب زارۆکین
خوفه یی ل چاقه ریی من، کو ئەو سه حدکنه وی
سه دریی سپی یی ل بهر من هه سیدی ببن دبن، به لی

ئەو بوجوونا وانە ئەو نزانن ئەو سەدریئ سپی لدهف
من وهکو جل و بهرگین ئاسنگه رهکی نه.

سى: گەریان لدویف پله و پایەیان:

ئەگەرەکی دیتەر ژ وان ئەگەرین کو ئافرەت پی
دبته قەیرە، گەریانە لدویف کەسین خودان پله و پایە،
بەلی ئەف جورە دکیمن، بەلی دگەل هندی ژیدا هندەک
کچ هەنە چاقەریی فی چەندی دکن، یان ژى مالا وى و
دهیک و بابین وى داخوازا هندی دکن.

چوار: کیشەییئ دەروونی:

ئەگەرەکی دیتەر ژ وان ئەگەرین ئافرەت پی
دبته قەیرە کیشەییئ دەروونی نه، کو لدهف وى کچی
دروست دبیت ، هەر ئەو کیشە وهدکت گىرو ببیت ژ
شوویکرنی، ئەفجا ئەو کیشەییئ لدهف کچا سەر هەلدن
گەلهکن ژ وان:

★ گوتگوتکین بی رامان یین خه لکی:

ئیک ژ وان کی شه یین دهر وونی یین کچ تووش دبنی
ئاخفتن و گوت گوتکین خه لکینه، کو ژ شوویکرنی
دترسین ب دهان تشتین بی رامان و دویر ژ راستی
دگه هیننی.

★ حه سیدی:

گه لهك ئافرهت وکچ هه نه حه سیدی لدهف
پهیدا دبیت دهمی دزانیت فلان کچ دی شوویکت، لهوما
ب هه موو ئاوایه کی هه ولدت ژ شوویکرنی بترسینیت.
★ که رب فه بوونا ژ زه لامان:

گه لهك کچ هه نه وه ساهزر دکن زه لام سته مکار و نه
دلوفان و بی ره حمن، ژ بهر هندی دترسیت شووی بکت
و ل وی باوه ری یه هه موو زه لام بقی ئاواپی نه.
★ باب و برایین خراب :

گه لهك ژ کچان دبینن بابی وی دگه ل خرابه و دهیکی
ژی ئه زیهت ددت، یان برا لگه ل خرابه، ئه فجا ئه وژی

وهسا هزر دکت ههمی زهلام بقی رهنگی خرابن لهوما ژ
شوویکرنی دترسیت.

★ ترسا ژ ته لاقدانى :

گه لهك ژ كچان دبینن ریژهیهكا بهرچاڤ ژ
ئافرهتان دهینه ته لاقدان، ژ بهر هندى ژ شوویکرنى
دترسن نهكو تووشى وى کارهساتى ببن.

(د.أحمد النجار) كو ئیكه ژ زانایین جیهانى یین
شارهوزا دبیاڤى دهروونزانيا جفاكى دا دبىژیت: ترسا ژ
ته لاقدانى کاریگه ریهكا زور ل سهر دهروونى كچان
ههیه، ژ شوویکرنى گير دکت، چونكى كچ دترسیت نهكو
شووى بکهسهكى بکت، نه وهسابیت نهوى وى دخه یالا
خودا هرز بو دکر و نهخشه دکر.

★ ژ زاردهفی وان بخو :

ئەف كچه ژى كو كچهكا زور جوان و شوخ و شهنگ بوو،
نوکه ژى بوويه قهیره. دبیژیت: ئەز خو ب قهیره
نزانم، هەرچهنده مالامن گەلەك بو من دلگرانن،
چونكى دبیژن تو یا گیروبووی ژ شوویکرنی.. جارەکی
گوتن من: تو بوچی هند ژ شوویکرنی بی ئومید بووی،
من بی دوودی گوته وان: ژيانا فاشل یا خویشکین من
یین شوویکری وەلن کری یه بی ئومیڊبم ژ
شوویکرنی.. چونكى من سى تەجرۆبە بەرى خو
دیتینه.. ئیک ژوان بو من بەسە بو هندی ژ شوویکرنی
بترسم.. ئەفە حالى خویشکا من یا مەزنە کو شووی ب
کۆرمایى من کری یه، بەلى چ تشت نەمایه ئەوی
بسهرى وى نەئینای ژ ئیھانەکرنى و خرابیى و لیڊانى
دگەل وى، چونكى زەلامى خویشکا من درەنگى شەف
دھات مالى، دەمى وى ژى دگوتى پیچەك زووی وەرە مال
تە ئاگەھ ژ من و زارۆکین من نەمایه، ئەوی شەرى

خویشکا من دکر و دئیشاندا، ئەقجا خویشکا من زی
دزانی بی مفایه و چ پی ئەدما ژبلی بیدەنگی، و د
جەهنەما مالا زەلامی خۆدا سەبری خۆ دکیشا.. ئەقە
بو من بەسە شووی نەکم و ژ شوویکرنی بترسم.

پيڻج: داخوآزييڻ زور:

ئەگەرەكى دى يى قەيرەبوونا كچان،
داخوآزييڻ زورن ژ كوركى، ئەفجا چ كچ بخو يان زى
مالا وى فان داخوآزييڻ زور بكت، دى داخوآزكن دقيت
خودان خانى بيت يان خودان مووچەيهەكى زور بيت
يان مەهرەكا زور بدت، وسا هزرديكن ئەگەر مەهرەيا
كچا وان زور بيت يان داخوآزييڻ وان زور بن دى كچا
وان ب ريزو بەختەوهرتربيت، بەلى ئەفە بوچوونەكا
شاشە، چونكى ئەگەر كەسەك بى دین بيت و نە ژ
خودى ترس بيت ئافرهتان ريز ل دەف نەبيت، ئەگەر ب
فەردەيهەكى دولاران كچا خو بدى هەر ريز ل دەف وى
نابيت و ريزى لى ناگريت، بەلى ئەگەر كەسەك زى
خودان دین بيت و ئەو كچا ئەو دخوآزيت هندی
داخوآزييت وى و مەهرەيا وى كيم بيت دى هند ل دەف
وى ب ريز و قەدرتر بيت و پتر حەز ژى كت، پيدقييه
ئەم بزانيں هەموو كەسى شيانيڻ هندی نينن

داخوازیین زیډه ب جهینیت، لهوما ژبه ر داخوازیین
وی یین زیډه نهو کچ دی مینیت و دی بته قهیره.

★ ژ زاردهفی وان بخو:

ئیك ژ گوټار بیژان د گوتارهکی دا دگوت:
چهنډین جاران خازگینی بو کچهکی دهاتن، بهلی بابی
وی گهلهك تشت ژوان داخوازدکرن لهوما نهو کس ژی
پازی نه دبوون و دچوون، بقی ناوایی چهنډین خازگینی
رهتکرن، ههتا گههشتی هندی کچا وی بووی قهیره،
نهوی ژی ههردهم دوعا ل دهیک و بابین خو دکرن و
دگوت: یا خودی چاوا فان نهز ژ شوویکرنی بی بههر و
مهحروم کرم.. یاخودی تو وسا وان ژ رحم و دلوفانیا
خو مهحروم بکه.

★ ژ زاردهفی وان بخو :

سهراهاتیا فی کچی ژی گهلهك یا ب داخ و دل
نیشه، دهیکا فی کچا ههژار و دامای ب ههوهسا خو یاری

ب پاشەرؤژا كچا خوٰ كرن، هەر كهسهكىٰ ئه‌و خوٰاستبا
 دهيكاي وىٰ دا هندهك مه‌رجين گران و نه‌دجهيٰ خوٰدا
 دگهل بيژيت، ژبه‌ر هندیٰ كهسىٰ مه‌رجين وىٰ بجه
 نه‌دئينان، مه‌سه‌له هه‌موو ئه‌و بوو چونكى كچا وىٰ ژوئ
 جوانتر بوو له‌وما ئه‌وىٰ گه‌لهك پىٰ نه‌ خوٰش بوو كچا
 وىٰ ژ وىٰ جوانتربيت ژبيرا خوٰ دبر ئه‌و كچا وييه. ئه‌و
 كچا جوان دهرچوويا زانكوئىٰ بوو يا دامه‌زراندى ژى
 بوو.. چه‌ندين خازگينى و گه‌نجين جوان و باش دهستىٰ
 وىٰ دخواستن، به‌لىٰ دهيكاي وىٰ يا دل رهق و نه‌فام ب
 هيجهت و به‌هانهيين چ بوٰ نه‌يى و بىٰ بنه‌ما دبوو ريگر
 د شوويكرنا وىٰ كچا هه‌ژاردا، له‌وما ژى ئه‌و كچا داماي
 نه‌گه‌هشت هيقيين خوٰ، ژيى وىٰ مه‌زن بوٰ و
 شه‌مه‌نده‌فرا شوويكرنى ژى بوورى و بوو كچه‌كا قه‌يره
 دمالدا، ل وىٰ ده‌مى ژنوى دهيكاي وىٰ يا سته‌مكار ژوان
 كاران په‌شييمان بوو يين لدرژى كچا خوٰ كرين و

رۆندكىن پەشيمانىي بۇ دباراندن.. بەلى پىشتى چى!!
ئىدى پەشيمان بوونى چ مفا نينه.

شەش: بى دلوفانيا دەيك و بابان و مفا
وەرگرتنا ژ كچين خو:

گەلەك ژ دەيك و بابان وسا دبىن دى مفاى ژ
كچا خو وەرگرن، وەك وان كچين خودان مووچە، يان
ئەوين ل مال بو وان كاردكن.. يان.. يان.. هتد، ل وى
دەمى ژبەر بەرژەوهندىين خو ھەر ئىكى دەستى كچا
وان بخوازىت ب بەھانەيىن دویر ژ راستىي رازى نابن و
دى رەتكىن.

ئەفجا ژبەر بى رەحمى و بى دلوفانيا دەيكى و
بابى ئەو كچ دى بى بەھربىت ژ شوويكرنى ھەتا ژيى
وى مەزن دبىت و ل وى دەمى ژى كەس نا خوازىت.

* ژ زاردهفی وان بخو :

رویدانهکا سهیر ل دادگهها (دبي) هات بوو
رویدان، ئه وژی ئه و بوو کچهکا نوژدار داخوازا خو
پیشکیشی دادگههی کر و داخوازکر ل وی کوری
ماره بکن ئه وی ئه و خواستی، چونکی بابی وی ژ بهر
مووچهیی وی ریگره د شوویکرنا ویدا.. وی کچا دامای
دگوت: چهن دین که سین باش ئه ز خواستی مه به لی
بابی من بی چ هیجهت و ئه گره کی ئه ز نه دایمه و ئه و
کهس زفراندینه، هه تا ژیی وی گه هشتی یه (40)
سالیی..

به لی کوره ک دهیت فی کچی د خوازیت ئه و ژ
رژد بوو لسه ر هندی چ پی نه فییت دی شووی پیکت،
هه ر ژ بهر فی چهن دی بابی وی سزایه کی دژوار دته بهر
ب جوره کی چ نه ما بوو دا گیانی خو ژدهست دت، کو
(9) رۆژان دکهفته ناف نکیکان، چونکی بابی وی
دهرزیه کا فایروسی بو دانابوو، لگه ل هندی ژیدا ئه و کچ

يا رژد بوو لسەر بريارا خو، لهوما دەمی دەرڤهت بو
هه‌لکه‌فتی س‌کالا لسەر بابی خو نڤیسی، دادگه‌هی ژى ل
وى کۆرى ماره‌گر به‌ی گوتی دڤیت هه‌یقانه کۆژمه‌کی
پاره‌ی ژ مووچه‌یی خو بده‌ییه بابی خو.

★ ژ زارده‌فی وان بخو :

ماموستایه‌کی فه‌دگیرا و دگوت: کچه‌کا دامای
هه‌بوو چه‌ندین جاران داخوازی بو هاتن و هاته
خواستن، به‌ی بابی وی یی بی ر‌ه‌حم هه‌موو نه‌و
داخوازی ر‌ه‌تکرن.. هه‌تا کو ژیی کچا وی بوویه (40)
سال هیشتا شووی نه‌ کربوو.. نه‌و کچا دامای به‌رده‌وام
يا خه‌مگین و دلته‌نگ بوو وگه‌له‌ک ژ خو بیزار ببوو..
هند خه‌م دخوآرن هه‌تا تووشی نه‌خوشیه‌کا گران
بووی.. پشتی هاتی فه‌گۆهاستن بو نه‌خوشخانی بابی
وی سه‌ره‌دانا وی دکت، داکو بزانیته‌ ر‌ه‌وشا کچا وی
چاوايه، ده‌می چاڤ ب بابی خو دکه‌ڤیت دبیزتی بابو

نیژیکی من ببه دا ئاخفتنه کی بیژمه ته.. باب ژى

نیژیک دبیت کچ دبیزیت بابی خو بیژه ئامین..

باب ژى دبیزیت ئامین..

دبیزتی بیژه ئامین..

باب ژى دبیزیت ئامین..

دبیزتی بیژه ئامین..

باب ژى ههر دبیزیت ئامین..

پاشی دبیزته بابی خو: بابو کا چاوا ته نه ز ژ

شوویکرنی و ژيانا دونیایی بی بههر و مه حروم گرم

ووسا خودی ته ژ بهههشتا بهرین بی بههر بکت، پاشی

ئه و کچ دمريت.

حهفت: بازارگانی کرن ب ئافرهتان:

ئەگەرەکی دیتر یی کچان دکهته قهیره، ئەو کەسەنە یی کول ژیر چەندین نافین نە دروست بازارگانیی ب کچ و ئافرهتان دکن، بناقی چەندین ریکخراو و نافین بریسقه دار خو و سا دیاردکن خو ل مافی ئافرهتی دکن خودان و مافی وی دیاریزن..

بهلی: پتریا وان ریکخراو بناقی داکوکی کرن ل مافی ئافرهتی هاتینه دامهزراندن، بهلی د راستی دا بو بازارگانی کرن و ویرانکرنا کچ و ئافرهتان هاتینه دامهزراندن، رهخی ل ئایهتین قورئانی دگرن و دبیرن: قورئانی زورداری و ستهم ل ئافرهتی کری یه، قورئانی دروست کری یه زهلام ژ نهکی پتر بین، بقی چەندی ئەو کەس و ریکخراو دبن ریکر بو چارهسه‌رییا قهیرهیی، بهلکو دبن ئەگەرەکی پترقه‌یرهیی په‌یداببیت، بهلی چونکی مه‌رما وان بتنی بازارگانیکرنه ب ئافرهتان، هەر ئەو بخو ترانا ب

ئاخفتنېن خۇ دكن و بۇ بەرزەوہندیي خۇ ئاخفتنېن
خۇ ناكن كړيار، نموونه ژى دقې دەر باره دى دا دزورن قى
راستىي دسەلمينن، ژ وانا:

(ب.ز) ئافرهتهك بوو سەرنقىسەرا رۇژناما
(...) بوو، بەردەوام خۇ وسا دياردكر كو داکوكيى ل
مافى ئافرهتان دكت، دگوت: زەلام ستهمى ل ئافرهتان
دكن ب سەر هەوى ددن شووى، بەلى ئەوى بخۇ ب سەر
هەوى شووى ب زەلامەكى كر ژنەكا دى هەبوو، دەمى
پرسيار ژى هاتى كرن راسته ته شووى ب زەلامەكى
خودان ژن كرى يە؟

د بەرسقى دا گوت: بەلى وهكى هەموو كەسەكى من
پيدقى ب ژيانا خۇيا تايبەت هەيه، لەو من شوويكرى
يە.

دياره بتنى خانمى پيدقى ب ژيانا تايبەت هەيه و كچين
دى پيدقى ب ژيانا تايبەت و شوويكرنى نينه.

ئافرهتهكا دى ل ئىك ژ رپكخراوین ژنان كاردگر شووی
ب زهلامهكى خودان ژن كر كو (9) زاروك ههبوون.
(سايتى: كوردستان نيوز).

ئافرهتهكا ديتر كو گهلهك خو ب هندى ددا ناسين
داكوكيى ل مافى ئافرهتان دكت، بهلى ئهوى بخو پاشتر
شووی ب زهلامهكى كر دوو ژن ههبوون.

بهلى قان بتنى ژبهر بهرژهوهنديين خويه و چ
دويتر نه، مهردما گهلهك ژ قان رپكخراوان ب رپكين
جوداجودا ئافرهتان هان ددن هندى ل مالى لگهل
ههفزينى خو يان باب و برايىن خو ب شه ر بچن، و
ئاريشا پهيداكن و پاشى مالى بجه بهيلن دكو قهستا وان
بكن، ئهوزى بو مهردمىن خو ب كاربينن، بو نموونه
(م/خ - د) جههك بوو وهسا هاتبوو دياركرن
پهناگههكه بو وان ئافرهتان يين ژ مالىن خو درهفن و
ئهو خو ل مافين وان دكنه خودان و داكوكيى لى دكن،
پاشى وسا دياربوو ئهو جه بوويه بنگهههكى بى

رہوشتی بؤ وان ئافرہتین ل ویرئ و کاری بؤ رہوشتی
لگہل وان دہاتہ کرن.

ئەفجبا ب کورتی گەلەک ژ وان یین خو بنافی
داکوکیکرن ژ مافین ئافرہتان دہنہ نیاسین، دراستی دا
ئەو بخو مافی ئافرہتان بنپی و پیشیل دکن، چونکی
ئەگەر کچەک شووی بکت و دگەل ھەفژینی خو باش
بیت، دی بیژن ھەفژینی وی ستەمی لی دکت و مافی وی
پیشیل کری یە، ب چەندین ئاخفتنین بی رامان مالا
ئافرہتی تیک ددن، بنافی ئازادی ئافرہت کارین وەسا
بکن لگەل جفاکی مە نە گونجن، پاشی ئەو ئافرہت دی
دگەل خیزانین خو تووشی کیشەیان بن یاندی ھینە
کوشتن، یان دی بینی ئافرہتەکی دفیئت شووی ب
زەلامەکی خودان ژن بکت ئەو دی رپی لیگرن و ناھیلن،
بیژن مافی تە ھاتیە پیشیل کرن، ھەتاکو دگەھیتە
ھندی تووشی قەیرەییی ببیت، بەلی بؤ وان درستە ئەو
ب سەر ھەوی شووی بکن.

ئەف ئاخفتنن وان وى رويدانى دئىنت بىرا مە ياکو
 (السيد حسين الموسوي) د پەرتوکا خوڊا يا بناقى
 (لله ثم للتاريخ) دبیژیت: ئەز ئیک بووم ژ زانایین
 ناقدار یین شیعا بەلى پاشى من دەست ژ مەزەهەبى
 شیعی بەردا و بوومە سوونە، ئەفى کەسى پەرتوک
 لىسەر تىشتین بى بنەما و نەدرست یین شیعا نقیسی
 بناقى (لله ثم للتاريخ).

دبیژیت: جارەگى ئەز ل نقیسینگەها ئىمام)
 الخوئي (روینشتى بووم، دوو گەنج هاتن پرسىار
 هەبوون، دیاربوو ئیک ژ وان گەنجان شیعه بوو، یى دیتر
 سوونە بوو ل دەربارى (زواج متعة) ب جره
 چوووبوون، ئیک ژوان پرسىار کر و گوت: ئەرى (زواج
 متعة) حەرامە یان حەلالە؟ ئىمام (الخوئي) ب
 حیبەتى فە تەماشەى وى گەنجى کر، دى بیژى پرسىارا
 فى گەنجى سەیره، پاشى گوتى: تو خەلکى کىشەى؟

گهنجی گوتی: ئەز خەلکی (موصل) م بەلێ ئەفە دەمی

دوو هەیفانە لقیڕی کاردکم، ئانکو (النجف).

(الخوئي) گوتی: ئنکو تو سوونی؟

گهنجی گوت: بەلێ ئەز سوونی مە.

(الخوئي) گوتی: برا (زواج متعة) لدهف مە حەلالە و

لدهف هەوہ حەرامە.

گهنجی گوتی: باشە مادەم لئک هەوہ حەلالە،

ئەز دێ هەتا چەند هەیفەکی دیتەر لقیڕی مینم، تو

ژی فی باشیی لگەل من بکە کچا خووب (متعة) بدە

من، هەتا کو ئەز دچم باژیڕی خو پاشی دێ کچا تە

دەمە تەفە.

(الخوئي) چەندەکی ما پاشی گوتی: برا حەرامە

(متعه) لگەل کچین مە بهیتەکرن، چونکی ئەم

ماموستا و کەسین مەزنین، بەلێ درسته (متعة) لگەل

خەلکی دیی گشتی یی شیعە بهیتەکرن. ئەوی گهنجی

دی یی شیعە دەمی گوہ لقان ئاخفتنین (الخوئي)

بووی وهکی فۆلکانی فیریا و گوتی: ئەهی زالمین زالم
هوین بو خۆ حەلال دکن (زواج متعة) دگەل خویشک
و دهیکین مه پیک بینن، دبیرنه مه هوین دی خودان
خیربن و نیژیکی خودی بن، بهلی نابیت کەس (زواج
متعة) لگەل کچین ههوه پیک بینیت.

★ ژ زاردهفی وان بخۆ :

روویدان دزۆرن دەربارەهی وان کەسان یین خۆ
ب پارێزفانی مافی ژنان دنه زانین، گو ژیان ل
ئافرهتان تال کرینه، ئەفجا ئەگەر ئەم لسه ر وان
بنقیسین دی پەرتوکی مەزن هینه نقیساندن، بهلی مه
نهفیت ئەم درێژکین، بو زانیاریین زیدهتر هین دشین
ته ماشه ی پەرتوکا (راستیه کا بهرزهبووی !) بکن گو
تیدا هه موو فیل و خیانهتین وان هاتینه روون کرن.

ههشت: نه بهرچاڤ بوونا كچي:

ههتا رادهيهكي زور جوانيا كچي رولي خو يي
هه يي، ب تايبه تي ل دهف وان كه سان يين بتني چاڤ ل
جوانيا كچايه، نه فجا هندهك كچ هه نه نه بهرچاڤن،
نه فجا چ ژ نه جوانيا وان بيت يان تووشى سوتنهكي ببن
يان ژ زكماكي شيوهكي نه جوان پيڤه دياربيت
يان.. يان.. هتد.

ئها نهف كچين هوسا هه موو كه سهكي نه فين،
نه گهر نه كه سهكي وسا بيت خه له لهك ل دهف ويژى
هه بيت، ژ بهر هندى پيدفييه كچين ب في ئاوايى
دخه يالاندا نه زين، چاڤه ريي كورهكي جوانتر ژ خو
نه كن، بهلكو دقيت نهو دهست بهردارى هندهك تستان
ببن، نه گهر ئيكي وهكى وان دهستى وان خواست و دگهل
وان بگونجيت بلا شووى پي بكن و خو گران نه كن،
چونكى نه گهر وهنه كن دى مينن دمال دا و بنه قهيره.

★ ژ زاردهقى وان بخو:

ژيى قى كچى (33) سالن دىيىرت: هەر ژ
زاروگىنىي من ههست ب هندى دكر ئەز نه جوان و
كرىتم.. ب هەر حالهكى ههى من خواندنا نامادهي
تهمام كر، و چوومه زانكوئى، ل زانكوئى ول ههمان
قوناغ پشكا ئەز لى قيانا كورهكى كهفته دلى من، ئەقىنا
وى وسا كهفته دلى من، بهردهوام ئەز دهاتم دهوامى و ل
وانهيان ناماده دبووم، بهروفاژى من ئەو كور گهلهك
جاران ل وانهيان ناماده نه دبوو، ژ بهر هندى خو
نيزىكى من دكر داکو ئەو وانهيىن وى نه نقيسىن بو
خو ل بهر يىن من كوئى بكت، ئەز ئەقىندارا وى بووم
وى ناگه ژ من نه بوو، بهلكو بتنى ژ بهر وانهيىن من
خونيزىكى من دكر.. ده مى گه هشتيمه قوناغا چوارى،
من ژ كىراتيا دلى خو قيانا خو بو دهربرى، بهلى وى چ
بهرسفهك بو من نه بوو.. مه ئەزموونىن سهرى سالى
ژى ئەهنامدان، ئەوى هەر خو ژمن دوير دكر، دووباره

من ئەو ئاگەھدارکر و قیانا خوۆ بوۆ دەربری، ئەوی بی دوو دلی و ئاشکرایى گوته من توۆ نه ئەو کچی یا من دقیت و من کچهکا تایبەتمەند دقیت، ل وی دەمی ئەز تیگەهشتم وی کچهکا جوان دقیت.. بەلئ: پشتی دەرچوونئ من دیت پتریا دوست و هەفالیئ من یین کچ شوویکر، بتنی ئەز مام من گەلەك خەم و کوفان دخوارن، دەیکا من و بابئ من زۆر دلگران بوون، من گەلەك جارن گوھ ل وان دبوو بەحسئ من دکرن و دگوتن: چونکی نه جوان و دەوله مەندە کەس ناھیت بخوازیت.

داکو ئەز ژى خوۆ ژ قئ دەردەسەریئ رزگاربکم، من پەنا بره بەر رپکین نه شەرعى و پەيوەندی لگەل کۆرەکی گریدان.. من دزانى وی کۆرى ئەز نهفیم بتنی دەمی خوۆ لگەل من دبۆرینت.. هەتا وی رادی مه پەيوەندی دگەل ئیک هەبوون هەتا ئەم کەفتینه د حەرامى دا.. من ئەفە ب چاره دزانى، بەلئ ب داخفه

نەگو بتنى نە چارە بوو، بەلکو ويرانكرنا ژيانا من بوو
بو هەتاھەتا..

نەھ: حکومەت و بياڤى بى رەوشتى:

ئەگەرەكى دىتر يى كچين جفاكى مە تووشى
قەيرەيى دكت حكومەتە، حكومەت وەكى بابەكى يە بو
وى خەلكى لىبەر دەستين وى، دڤيت خەمى ژى بخوت،
نەگو هەموو شيانين خو ب مەزىخيت بو خوين ميئن و
دژاتيكرنا وان، دڤيت حكومەت رىكى خوش بكت بو وان
كووران يين دڤين ژنى بيننو بو وان كچان يين دڤين
شوى بكن، نەگو باجى دەينت سەر ئىدى نەشين ژيانا
هەڤژينى پىك بينن، كا چاوا باب چاڤدپريا زاروكيت
خو دكت دڤيت وسا حكومەت سەرەدەريى دگەل كور و
كچان بكت وان دویری خرابيابكت، نەگو رىكا بو خوش
بكت و جە ويانەيى بى رەوشتى بو قەكت و رىكين
خرابيى بو خوش بكت، داكو هەر مژىلى خرابيى ببن و
ژيانا هەڤژينى ژ هزرى بچيت چ هزرەكى بو نەكن.

★ ژ زاردهفی وان بخۆ :

ژیی فی کۆری (45) سالن و فهرمانبهره ل
ئیک ژ فهرمانگههین حکومی دبیریت: ئەز بوچی ژنی
بینم من چ بقییت بدهست منقه دهییت، ئەز نوکه بی
ژنم وهکی میشا هنگمینی هەر جار لسەر گولهکی دادم،
من په یوهندی لگهل چهن دین کچا ههیه و هەر جار
دهمی خو دگهل ئیکی دبۆرینم، ژبەر هندی من باوهر
ب چ کچا نه مایه، ئەفجا ئەز چاوا ژنی بینم و خو ب
ئافرهتهکی فه گریدم.

دهه: دانا كچا مهزن پاشى يا بچوويك:

خالهكا ديترا يا كچان تووشى قهيرههيايى دكت،
شاشييا دهيك و بابانه دهى ديبژن: ههتا ئهم
كچامهزن نه دن شووى ئهم يا بچوويك نادن، ب راستى
ژى ئهفه ئيكة ژوانداب و نهريتئنه شه رعى جفاكى
مه خو پيئه گريداى، هزر دكن ئه گهر كچا بچوويك
بدن شووى دئ يا مهزن مينيت و ئيدى كهس
ناخوازيته.. بهئى ئهف بؤچوونه شاش و نه دروسته،
چونكى گه لهك جاران دهيته ديتن كهسى كچا مهزن
نه خواستى يه، بهئى دهى كچا بچوويك شووى دكت،
پشتى وئ نه سيبى يا مهزن ژى دهيت و خوازگينئى وئ
ژى دهين، ئه فجا پيدقاييه لسهر دهيك و بابان ئه گهر
زانى دهى شوويكرنا كچا وان يا مهزن هاتاييه، بهئى
ژبه ر خواندنئى يان ههر ئه گهره كئى دى شووى نهكت يان
كهس نه خوازيته، دگهل هندئى دبينن خوازگينئى كچا
بچوويك يئ دهين بلا نه بن رېگر بؤ شوويكرنا كچا

بچوويك چونكى گهلهك جاران كچا بچوويك يا بووى
قوربانى كچا مهزن، د دهمهكى دا كچا مهزن يا بووى
قهيره ئهوژى ژبهه كچا خو يامهزن بهختى كچا
بچوويك ژى رهش دكن و نادنشوى ههتا ئهوژى مهزن
دبيت و دبته قهيره.

★ ژ زاردهفى وان بخو:

نوکه ئەز بوويمه قهیره و ئەگەر ژى ئەو بوو
من خويشکهکا ژخو مهزنتر ههبوو، خوازگيني بو من
دهاتن کهسهكى ئەز خواستم بدلى من و دهيك و بابين
من بوو، ئەم ههموو ژوى كورى د رازى بوون و ئەو
كوره ئەو بوو يى مه چا قهريدكر. بهلى ب مخابنى قه
بابى من و دهيكامن ئەو كور رهتكر و ئەز نه دامى
ژبهركو ئەز كچا بچوويك بووم، گوتن كچا مهزن يا ماى
و دقيت دهستپيكيوى بدن شووى. پاشى ئەوى كورى
كچهكاديتر بو خو خواست و ئەز ژى مام هوسا.. پشتى
دهمهكى خوازگيني بو خويشكا من يا ژمن مهزنتر هاتن

و شوویکر، یا زیان گه هشیتی ئەز بووم، ئەز بووم
قوربانی داب و نهریتین جفاکی مه.

★ ژ زاردهفی وان بخۆ:

ئەف کچا ئەندازیار ژى گو ژيى وى (31) سالن
دبيژيت: ههتا نوکه من شووى نهکرى يه گهلهک دامای
و غه مگينم، چونکی کيشا من ئەوه من خويشکهک
ههيه (4) سالن ژ من بچووویکتره و بابى من و دهیکا من
دبيژن: دقيت ل دهستيپيکی ته بدین شووی و پاشی
خويشکا ژ ته بچووویکتر و ئەز گهلهک ب خه م دکه فم بو
حالی خويشکا خوه چونکی ئەز ل بهر شوویکرنا وى دبم
رپگر. ژيى من مهزن بوويه و دهیک و بابین من ژى
رژدن لسهر ناخفتنن خۆ دقيت دهستيپيکی ئەز شووی
بکم، ب راستی جفاکی مه یی زالمه، دى چ چيبيت
ئه گهر کچا بچووویک بهری یا مهزن شووی بکت.

يازده: داگیر کرنا کچی ژ ئالیی مروؤ و
بنه مالی فه:

خاله کا دی یا کچان تووشی قهیرهیی دکت،
دهست ب سهرداگرنا کچی یه ژ ئالیی بنه مال و
مروؤقین ویفه، کو دی مالا مامی وی یان مالا خالی یان
هندهک دی ژ بنه مالا وی وهکی کهل و پهل و متایهکی
وی کچی داگیر دکن، یان ژی باب یان برایین وی دی
لسه رناقئ ئیک ژ مروؤقین خوؤ تاپوکن، ئه فجا هندی
خوازگینین کچی بهین باب و برایین وی دی ره تکن و
بیژن: ب خودی مه دگهل مروؤقین خوؤ گوتیه و بو وان
هیلایه، ب راستی ئه فه نه ریته کی گه لهک دویره ژ دین
و ئینسانیه تی، ئاخر ئه گهر که سهک نه بدلی که سهکی
بیت دی بوچی زوری لی هیته کرن، پیغه مبه ر (سلاقین
خودی لسه ر بن) دبیژیت: (لاتنکح البکر حتی
تستأذن قالوا یا رسول الله وکیف إذنھا قال: أن تسکت))
رواه مسلم. ئانکو: نابت کچی بدن شووی هه تاکو ئیزنا

وی نه خوازن. کو ئه ری ب وی کوری رازی یه یان نه؟
هه فالین وی گوتن: ئه ی پیغه مبه ری خودی (سلاقین
خودی لسه ر بن) چاوا ئیزنی ژی ب خوازن؟
پیغه مبه ری (سلاقین خودی لسه ر بن) د به رسقی دا
گوت: کچ بی دهنگ دبیت، ئانکو: ئه گه ر هه وه پرسیار
ژ کچی کر ئه ری ب وی کوری رازی یه؟ ئه و ژی بی دنگ
بوو ل وی ده می رازی یه.

هه روسا گه له ک ژ کوران ژی چه ز ناکن ژنی ژ
بنه مال و مروقین خو بینن، به لی بابین وان دی
نه چارکن ژنی ژ مروقین خو بینن، ده می
بی پرازیبوونا وی ژنی بو دئینن، ل وی ده می دی
تووشی ب سهدان کیسه و دهرده سه ریان بیت، یان ژ
دی کچی ب زوری دن پسمامی و یان ئیک ژ مروقین
وی، ئه فجا گه له ک ژ کچان هه نه ژبه ر فی نه ریتی خراب
شووی ناکن، یان مروقین وی ژنی نه درازی نه، ژبه ر هه ر
ئه گه ره کی هه بیت، ل وی ده می کچ دی بیته قهیره.

★ ژ زاردهفی وان بخو :

(په ريسه) كچه كا بهر كهفتى و ژيهاتى بوو،
دهمى من پرسىار ژى كرى بوچى تو بوويه قهيره، د
بهرسقى دا گوت: پينج سالان ژبهرى نوكه كورمامى
من نهز خواستم، بهلى من رهتكر چونكى چ ژرامانا
ژيانى نه دزانى، بتنى هزرا وى كومكرنا پارهى و
سهروهت و سامانى بوو چ ديتر نه، بهلى كورمامى من
رژدبوو لسهر خواستنا من، بابى من ژى دگوت: نه گهر
تو شووى ب كورى مامى خو نهكى دقيت شووى ب
گورى (قبر) ى بكى، ههر ژبهر هندى من ژى په يقا
شوويكرن ژ ژيانا خو دهريخست، ههر چهنده من بقى
نه خو شه ژى، بهلى بابى من لسهر من سه پاندى يه ژ
خوشترين تشتى دونيايى دويربم كو سوزا دهيكينى
يه..

نهغه نه كيشا من بتنى يه، بهلكو گه لهك ژ
كچان نهف كيشه يه هه يه، بهلى نه وپرن دهر بيخن، ب

راستی باب ئەگەرەکی سەرەکی نە بۆ قەیرەبوونا کچین
خۆ، چونکی دبیژن: کچا من بۆ کۆری برایی منە، کچ
شوی ب کۆری برایی وی ناکت. ئەقجا لقییری کی دی
بیتە قوربانی؟! بیگومان کچ؟

دوازده: چاقه‌ریبوونا دلدارى خود:

ئەگەرەکی دیتری قەیرەبوونا کچان دلدارییە،
زۆر جاران دی بینی کۆرەك بناقی دلدارى و حەژیکرنی
دی کچەکی د سەردابیت و مەرەما وی ژى نە خواستنا
وییه، بەلکو بتنی بۆراندنا دەمی خۆیه و چ دویتر نە،
ئەقجا دەمی کچ داخوازی ژى دکت و دبیژتی من بخوازه
دی سەد و ئیک بەهانەیا بۆ ئینیت و پیتەى پی نادت،
ل وی دەمی دی زانیت بتنی ئەو نیچیرەك بوو، پشتی
وی چاقه‌ری بوونا زۆر دی بینیت یان ناقی وی ب
نەباشی چوویه یان ژى ژیی خۆیی گەنجاتیى هەموو د

چاقه رېبونا ويدا مه زاختى يه و بهر هف قهيره يي
چوويه. يان كچهك هه زژ كورهكى دكت دگهل هندى
خيژانا وى نه رازينه بدن وى كورى، نه فجا لسهر خاترا
دلدارى خو ههر خوازگينهك بو بهيت دى ره تكت،
پشتى چهندين سالان نهو كور و كچه دى ژيهكى زور
بورينن، بهلى خيژانا كچى ههر رازى نابن كچا خو بدن
وى كورى، ژبه ر هندى كور ژى دى بيزاربيت و داخو ازا
ليبورينى ژ دلدارا خو كت و دگهل كه سهكا ديتر
هه فزى نى پيك ئينيت، كچى ژى دقيت وى كورى ژبيرا
خوه ببيت و شووى بكت، بهلى دى بينيت ژى وى يى
مه زن بووى و ههمى كه سهكى نهو نه فقت. نه فجا
خويشكا بهريز ده مى تو دزاني نهو كه سى تو هه ز ژى
دكى ببى هه فزينا وى، بهلى ژبه ر چهندين نه گهران
نابيت يى ته دى بوچى ههر مينى د چاقه رېبونى دا ،
بهلكو دقيت ته ناگه ه ژ خو هه بيت و ژى خو يى
كهنجينى ب هه دهر نه بى.

★ ژ زاردهفی وان بخۆ :

ئیدی من باوهری ب زهلامان نهمايه من ژیی
خۆ قوربانی کۆرهکی کر و زیدهتر ژ ههفت سالان ئەز
بووم دلدارا وی، ههتا وی رادی ههر کهسهکی ئەز
خواستبام من رهدکر، بهلی ما من چ دزانی دلداري من
کهسهکی بی وهفایه ! نوکهژی (4) سال ب سهر
ژیکشه بوونا دلداریا مهدا بۆرینه، تاکه تشت ئەز
فیربویم من باوهری ب چ زهلامان نهمايه.. دهمی
بهحسی شوویکرنی دهیته گوھی من باوهریکن کهربین
من ژ ژیانای فه دبن، ههر هزرل شوویکرنی ناکم،
چونکی من (7) سال ژ ژیی خۆ قوربانی کۆرهکی
کرن، پاشی ئەو چوو کچهکا دویتربۆ خۆ خواست،
دگهل هندی من هند ئەو خوش دقیا لسهر خاترا وی
ههموو کهسین دی من دابوون ئالیهکی دیتر، ههر ژبهه
وی من دهیک و بابی خۆ ژ خۆ توره کربین ، بهلی بی

کو من ئاگهه ژئی ههبت ئهوی ژن بو خو ئینا وژیانا
ههفژینی پیک ئینا بوو.

★ ژ زاردهفی وان بخۆ:

پیرهژنهك نیشا من دان گوتن فی پیرهژنی ل
دهمی خو چهژ کۆرهکی دکر، ئه و کۆر چه نیدین جاران
هات بوو خوازگینیین وی، بهلی خیزانا وی رازی
نه دبوو، ژ بهر هندی ئه و کۆر بیزار بوو و بو خو کچهکا
دیتر ئینات، ژیی وی کچی ژی مهزن بوو ژ بهر هندی
که سین ب عه مر هاتن خوازگینیین وی، بهلی ئه و ژی
چافه ری گه نجان بوو بهین وی بخوازن، بهلی ئه و وی
چافه ری دکر بو ب جه نه هات ژ بهر هندی ما
نه شوویکری و هه تا بوویه پیرهژن.

سیزده: ناف و دهنگین خراب:

ئەگەرەکی دیتری قەیرەیی، ناف و دهنگین خرابن، ئانکو نافى كچى يان مالباتا وى ب خرابى چووبیت، ژبەر قى خەلك وى كچى ناخوازن... ئەقجا ئەف ناف و دهنگین خراب يان ژبەرەندى يە كو كچەك گوھ نەدته كەرامەت و سومەتتى خو، يان ژى چونكى مالباتا وى گوھ نەدايە كەرامەت و سومەتتا خو.

(د. عزه كريم) سەرۆكى يەكەيا خیزانى دبیژیت: ئىك ژوان خالیڭ وەدكت گەنج ژنى نەئین و كچ ژى ببن قەیرە، نەمانا باوەرى يە لدهف كۆران بەرامبەر كچان، و نەمانا باوەرى يا كۆران ژى ژبەر وى چەندى يە دەمى دبینن ەندەك ژ كچان رەفتارىڭ نە جوان دكن و ریزى ل ئازاديا خو ناگرن "

گەلەك كچ ەنە بو ەندى كەسەك وان بخوازیت، خوہ سڤك و بى سمەت دكن، ئەقجا دى رابن تەلەفونى بو

خه لکى کن يان خو ب جل و بهرگين بى سه روبهر و
نه شه رعى خه ملين و ژمال دهرکه فن و گه ريانان کن...
يان... هتد. هزر دکن دى بقى چهندي شوويکن.

ئه ف رهفتاره هه موو کچان سقک دکن، لجهى هندي کور
بهين وان بخوازن به لکو کور بو خو ترانا ب وان دکن و
ب سفکاتى بهرى خوه ددنى.

خويشکا ريزدار ناگه ه ژ کهرامه تا خو هه به، چونكى
ئه و کارين تو دكى و هزر دكى دى مفايى گه هين ته،
به لى ب راستى ئه و کار دى ته تووشى زهره و زيانى کن
و ته سقک کن، باش بزانه ئه و کورى دقيت زنى زى
بينيت، ئه گهر ئه و کور خراب زى بيت دبيثريت من
کچه کا بيسه روبهر و رهوشت نزم نه قيت، به لکو من
کچه کا ب رهوشت دقيت.

ئه فجا بزانه ب وى کارى نه جوان يى تو دكى بتنى تو
ياريا بخوه دكى، دى بهندو کوله د دهستى که سين
نه فس نزم دا.

چواردە: دەست ژ كاری خۇ نابەردم:

ئەگەرەكى دى يى قەيرەيىي ئەو دەمى كچ ژ
دەرقەى مال كاردكت، ئەقچا چ كاری وى حكومى بيت
يان ئەهلى بيت، دەمى ئەو كچ دەيتە خواستن دى كت
مەرج لسەر كاری خۇ بەردەوام بيت، د دەمەكى دا ئەو
كۆرى وى دخوازيت دى بىثريت: من نہقیت من مالەكا
بى رەوش ەبیت، بەلكو من دقیت ەقژينا من
چاقدیریى ل زارۆكىن من بكت، ئەز ژى دى كاركم
ەموو پیدقییا بۆ دابین كم، بەلى كچك دى رەت كت ب
بەهانەیا ەندى كو ئەو كۆر دبىثريت ئەز ەز ناكم
ەقژينا من كاربكت.

خویشكا بەریز ەەر كەسەك كار دكت بۆ ەندى نانى
ژيانا خۇ پەیدابكت، ئەقچا دەمى كۆرەك تەبخوازيت و
تو ژى رازی بى لسەر خاترا كاری خۇ تە رەت كربت ب
راستی ئەو كارەكى شاشە .

★ ژ زاردهفی وان بخۆ :

ئەز کچەك بووم وەکی هەموو کچان خەونا من
ئەو بوو پۆژەکی ژ پۆژان کۆرەك بهییت من بخوازیت
ووسابیت وەکی من د خەیاالا خۆدا نەخشاندی، پشتی
من خواندنا خۆ تەمام کری، و وەك ماموستا هاتیم
دامەزراندن، د وی دەمی دا چەند کەسەکان ئەز
خواستم، بەلێ کەس ژوان نە ژ هەژی هندی بوو شووی
پیبکم و ببیتە هەفژینی من... پاشی کۆرەکی ئەز
خواستم و سا بوو وەکی من د خەیاالا خۆدا دیارکری ،
بەلکو ئەو سالوخەتین (مواصفات) لدهف وی زیدهتر
بوون ژوان یین من دقیان د هەموو تشتەکی دا ژ من
هەژی تر بوو.

بەلێ دەمی وی کۆری ئەز خواستیم داخوازییەك هەبوو،
گوتە من: ئەز کەسەکم مال بو من گەلەك گرنگە ودی
هەموو پیدقیین تە بو تە دابین کم، بتنی تو دەوامی
نەکە. بەلێ من داخوازییا وی پەتکر و گوت چ جارن

دەواما خۆ ناهيلىم، لەوما ئەوژى رازى نەبوو، پشتى دەمەكى من زانى ژن يا ئىنايى و بوويه خودان هەقژين، ئەز ژى هەر مام چاقەرى و چاقەرى، ب ماندى بوون دچمە دەوامى و دەيمە مال، و هەردەمى نافی وى كۆرى دەيتەگوھيىت من رەوشا من يا دەروونى تىك دچت، بەلى پستوكا كەسى ناگرم، چونكى من بخۆ يارى ب چارەنقىس و پاشەرۆژا خۆ كر، ژ بەر كاركرنى من ئەو كۆرى باش و ژ هەژى ژ دەست خۆ كر، د دەمەكى دا كاركرن بۆ بريقەبرنا ژيانى يە، نە بۆ دەم بۆراندن و پياسانە.

پازده: بى كارى و گرانى:

ئىك ژ ئه گهرين فهيره يى بى كاريا گه نجانه،
چونكى ئه گهر گهنجى كارهك نه بيت ژيانا خوه پى
بريشه بيت ، دى چاوا شيت ژنى ئينيت و مالهكى
ئافاكت. بهلى: گهنجهك ههتا دهمى ژن ئينانى ههر
دخوينيت، و دهمى خواندنا خو ژى تهمام دكت ئه گهر
بهيته دامه زراندن ژى مووجهيى وى تيرا وى بخو ناكل،
ئه فجا ئه گهر ژنى بينيت و كرپيا خانى بدت.. كرپيا
كاره بى.. كرپيا ئافى.. موبايىل.. ئهنته رنيت..
زاروك.. و.. و.... هتد.

ههر ژ بهر فى چهندي گه لهك ژ گهنجان هزر ل ژن
ئينانى ناكل و ريكين خراب دگرنه بهر ژبلى گهنجين ژ
خودى ترس و ژ ترسين خودى خو دپاريژن.

★ ژ زاردهفی وان بخو :

پیدی ناکت سهرهاتی و چیرۆکان فهگیرم، چونکی
وهکی عه رهب دبیژن: ((لسان الحال أبلغ مع المقال)) .
ئانکو: زمان حالّ وان دناخفیت و تشتان پۆن دکت،
بهری زمانی وان باخفیت.

چارەسەرى يا قەيرەيى

چەند چارەسەرىيەك بۇ قەيرەيى ھەنە، ژوان:
ئىك: دويركەفتن ژوان ئەگەرىن بەرى نوکە مە
بەحس ژى كرى، و نە پەيرەوگرن و خو پاراستنا ژ
وان.

دوو: دىقت سەميانين كچا خەم خورين كچين خو بن،
كەسەكى باش بو ببينن، كو ھەفكىفين وان بن، دەيتە
گوتن لسەر دەمىن كەسىن چاك لبەرى مە قەيرەيى
نەبوو، چونكى ئەوان بو كچين خو پرسىار دگر و
كەسىن باش دديتن.

سى: چەند ژنى (تعدد الزوجات)، كو ئەگەرەكى باشە
بۇ چارەيا قەيرەيى، چونكى دەمەكى دا (1 زەلام

بهرامبەر 8 ژنايه) باشتريڼ چاره چەند ژنى يه، بهلى
ب مخابنى فه پترييا وان رېكخراوېڼ بنافى داکوکیکرن
ل مافى ژنان خوّل قهلهم ددن ل جهى هندى د خه ما
ژنان دا بن و چارهيهکى بو قهيره بوونى ببينن، دهين
دژاتييا چەند ژنيى دکن و ههولو بزاقان دکن ب ياسا ل
حکومهتى چەند ژنى بهيته قهدهغهکرن، دهه مان
دهمدا نهو بخو دناقبه را خو دا ياريا ب ئاخفتنيى خو
دکن و گهلهک ژ وان خودان پله و پوستان بلندن بهلى
بسەر ههوى شووى دکن.

ئهفجا خويشکا بهريز هزرين خو بکه و بزانه
چ تشتهک د بهرژه وهنديا ته دايه، خويشکا بهريز بتنى
خودايى دلوفان بهرژه وهنديا ته دزانيت، نهوى تو يا
ئافراندى و دزانيت چ بو ته باشه، نهک مروقهک
بريارهکى لسەر ته بدت، د هه مان دهمدا ژى نهو بخو
ئاخفتنيى خو پهيره وناکت و لدويف ناچت و دزانت
بريارهکا بى مفايه.

ب قى ئاوايى خویشك و برايان شیرەت دگم

★ شیرەت بو زەلامان:

برايى بەريز ئەگەر تە نيەتا ئينانا ژنا دووى
يان سىي ھەيە.. ل دەستپيكي بزانه تە شيان ھەنە تو
مافى ھەفژينا خو يا ئيكي پيشيل ناکى؟! يان تە شيان
ھەنە مافى ھەردووکان ب وەگھەفى بديى؟! يان تە
شيان ھەنە ژ ھەموو ئاليەكى فە رازى بکى؟!
لەوما برايى بەريز بتنى ژبەر ھەز و
ئارەزوین نەفسى خو تووشى شەرمزاريا دونيايى و
ئاخرەتى نەگە، چونكى پيغەمبەر (سلاقين خودى لى
بن) بەحسى كەسین خودان دوو ژن ھەين دکت و
دبيژيت: « من كان لة امرأتان، فمال الى احداهما، جا
يوم القيامة وشقة مال » صحيح (صحيح الجامع: ٦٥١٥)

ئانكو: ھەر كەسەكى دوو ژن ھەبن، عەدالەتتى دناقبەرا
وان دا نەكت، پتر چاقى خۇ بدتە ئىكى، رۇژا قىامەتتى
دى ھىت ب خوارى برىقە دچىت.

★ شىرەت بو ژنا ئىكى:

خویشكا بەرىز ھەر دەمى تە زانى ھەفژىنى
تە نىەتا ئىنانا ژنەكا دىتر ھەيە و پىدقى يە، تۆ دزانى
ژى نە زەلامەكى خرابە و مافى تە پىشىل ناکت..
ھەدارى لسەر برىارا وى بگرە، ھىنگى خودى دى
ئەجرى تە دتە تە، چونكى دبتن ب وى كارى ھەفژىنى
تە ژ كارى خراب دوير بکەفیت، تۆ ژى دى بىە خودان
خىر.

خویشكا بەرىز.. ھىياربى.. ھىياربى.. دەمى
تەزانى ھەفژىنى تە دى ژنا دووى ئىنیت ل وى دەمى
نەكو تۆژى داخووزا بەردانى (طلاق) ئى ژى بكى،
چونكى پىغەمبەر (سلاقىن خودى لى بن) ل دەربارى
وان ئافرەتتىن بى ئەگەر داخووزا بەردانى دکن دبىژىت

((أيما امرأة سالت زوجها طلاقاً من غير ما بأس فحرام
عليها رائحة الجنة)) صحيح (صحيح الجامع: ٢٧٠٣)
ئانكو: هەر ئافرهتهكا بی ئهگهر داخووازا بهردانی بکت،
بیئنا بهههشتی لسهر حهرامه.

★ شیرهت بو ژنا دووی:

ب راستی نهحهزین ئیسلامی گهلهك تشتین
نه درست د میشکی وان ئافرهتان دا چاندينه ئهوین
لهر ب سهر ههوی شووی بکن، وسا بو وان دهیته گوتن
ئهو پیشیل کرنا مافی ئافرهتی یه، بهلی خویشکا بهریز
تو گوه نهدی، ئهوان بتنی دفتیت بازرگانیی بته بکن،
فی چهندی بو خو بکن چالاکییهك و پلهیهكا خو بته
بلند بکن، یان بو هندی پارهکی بدهست خوڤه بینت.
خویشکا من باش بزانه ئافرهتهك ببیت خودان ههڤترین
و مال و حال و گهلهك ژ هندی باشتره بمینیت د مالا
بابی خوڤا، پاشی بکهفیت بهر دهستی ژن برایان و
پاشی ژی پیر ببیت و کهس نهبیت چافی خو بدتی.

ديسان شيرت بؤ ژنا دووی:

خویشکا بهریز دهمی که سهک ته دخوازیت
بسهر ههوی، هشیاری.. هشیاری.. ته لاقداننا ژنا ئیکئی
نه که مه رجی خو، چونکی پیغه مبهه (سلاقین خودی
لی بن) ل دهرباری وی ئافرهتا بی ئه گهر داخووا
بهردانی دکت دبیژیت: ((لا تسال المرأة طلاق اختها
لتستفرغ صحفتها و لتنکح...)) صحیح (صحیح
الجامع: 7306)

ئانکو: نه درسته و هه رانه لسهر وی ئافرهتی بؤ هندی
ریکی بؤ شوویکرنا خو خوش بکت مه رجی ته لاقداننی
دهینت سهه ژنه کا دیتر.

ب پشته فانی خودی ته مام بوو.. ئه فه منه تا
خودی یه لسهر من.. خودایی من سوپاسیا ته دکم بؤ وی
زانستی ته دایه من.. خودایی من فی کاری بؤ من بکه
گرانی د ته رازیا من یا خیرین من دا..
و صلی الله علی سیدنا محمد و علی الة و صحبة اجمعین.